



seri ta lter ian

# MBSA patut ambil tindakan tegas

22/07/201  
M/S 2

---

## DARI MUKA 1

Beliau berkata, tindakan tegas dan pemantauan berkala harus dijalankan MBSA bagi menghalang kegiatan tidak bermoral itu daripada berterusan.

Katanya, kompaun dan denda setimpal adalah tindakan tegas harus dikenakan kepada individu tidak bertanggungjawab yang sengaja membuang sampah ke sungai.

"Saya hairan kenapa sungai dijadikan sasaran mereka, sedangkan ia boleh dijadikan kawasan riadah," katanya.

Penduduk, Mohd Ali Ibrahim, 35, berkata sikap mementingkan diri segelintir penduduk yang membuang sampah umpama masyarakat tidak bertamadun.

"Bagi saya individu yang membuang sampah ini adalah mereka yang berfikiran sempit, tidak bermoral dan pentingkan diri sendiri.

"Mereka melakukannya tanpa rasa bimbang dikenakan tindakan dan sesuatu perlu dilakukan untuk menyelamatkan sungai ini. Jadi, penguat kuasa MBSA perlu turun padang dan melihat sendiri keadaan sungai yang menjadi mangsa kerakusan sikap manusia yang memikirkan jalan singkat untuk membuang sampah.

"Bukan saja menyakitkan mata, malah sungai ini juga sudah mengeluarkan bau busuk," katanya.

Mohd Ali berkata, warna air sungai itu bertukar menjadi gelap apabila sampah memenuhi ruang sungai dan keadaan itu sangat menjijikkan.

Katanya, MBSA juga boleh bekerjasama dengan penduduk sekitar dengan mengadakan gotong-royong membersihkan kawasan sungai dan mengindahkannya bagi menarik minat orang ramai beriadah di situ pada masa lapang.